



**JUDICIAL SYSTEM MONITORING PROGRAMME
PROGRAM PEMANTAUAN SISTEM YUDISIAL
PROGRAMA MONITORIZASAUN SISTEMA JUDISIAL**

Press Release

Periodu Marsu 2009

“KLAUSULA EXEPSAUN BA KRIMINALIZASAUN ABORTU IHA ESBOSU KODIGU PENAL TIMOR LESTE”

Pro no kontra kona ba exepsaun atu kriminaliza abortu nebe atu aplika iha esbosu Kodigu Penal Timor Leste agora dadaun sai hanesan isu/asuntu importante nebe debate namanas los iha Timor Leste.

JSMP simu ho laran kontente iniativu husi governu nebe hatama ona klausula exepsaun ba abortu iha Dekretu de Lei Kodigu Penal Timor Leste.

Nudar nasaun nebe ratifika ona CEDAW no hanesan Estadu Membru ba konvensaun ne'e, Timor Leste iha obrigasaun atu fo protesasaun ba direitu fetu espesialmente iha area servisu saude tuir artigu 12 husi CEDAW nebe defini katak "Estadu Membru sira tenke hola medida hotu-hotu ne'ebe loos/apropriadu atu halakon diskriminasaun hasoru fetu iha area kuidadu kona ba saude, atu nune'e garante asesu ba serbisu kuidadu ba saude, nune'e mos asesu ba planu familiar ne'ebe tenke bazeia ba fetu no mane nia igualdade". Ho nune'e, fetu hotu hanesan cidadaun iha direitu atu asesu ba kuidadu kona ba saude ne'ebe adequadu no Estadu mak sei garante direitu ne'e. Direitu hirak ne'e konsidera nudar direitu sosial nomos direitu individual nebe nudar direitu ba justisa sosial inklui direitu atu hetan atendentu saude nebe adequada. Kumprimentu Estadu hodi kaer ba provizaun sira nebe haktuir iha CEDAW hanesan lalenok ba konsistensia Estadu Timor Leste hodi hakruk ba mandatu konstitusionalidade nebe regula iha artigu 9 versiklu (1), (2) no (3) Konstitusional RDTL.

Alem de CEDAW, Estadu Timor Leste ratifika ona Konvensaun seluk nebe suporta abortu. Lalos direitu atu abortu maibe direitu atu asesu ba abortu nebe seguru. Konvensaun sira ne'e mak hanesan ICCPR (artigu 3, 6 (1) nomos artigu 13), CRC (artigu 6 no artigu 24) nomos ICESCR. Iha ICESCR la iha artigu spesifik nebe suporta abortu maibe Committe ba ICESCR husu ba Estadu atu konsidera legaliza abortu ho razaun saude (inan nomos iha kazu nebe iha problema ho fetus) nomos isin rua tamba resultadu husi asalta sexual ou inestu.

Baseia ba resultadu pesquisa nebe halao husi Dr Suzanne Belton iha Timor Leste iha fulan Dezembru 2008 deskobre katak maioria fetu barak mak mate tanba abortu la seguru. Em geral abortu la seguru akontese tanba falta de atendentu servisu saude ne'ebe adequadu. Satán abortu la ho indikasaun ou ho razoins mediku, exemplu tanba impaktu husi violensia seksual hanesan vitima husi violensia seksual no inestu, nune'e sei mosu sentimentu tauk husi inan, hamosu persepsaun no stigma negativa husi familia no comunidade bele fo impaktu mos ba inan atu halao abortu ho nonok nomos la seguru sein konsiderasaun ba risku husi hahalok abortu la seguru ne'e.

Ho razaun hirak ne'e, maske sei iha kontradisaun ba asuntus abortu ho razaun no konsiderasaun oi-oin, JSMP enkoraja governu atu mantein nafatin artigu 142 iha esbosu lei Kodigu Penal Timor Leste nebe sei aprova iha tempu besik. Tanba ne'e hanesan manifestasaun espiritu mandatu konstitusional nebe regula

iha artigu 2 versiklu (2) Konstitusi RDTL nebe defini katak hateten “Estadu iha nia politika hotu-hotu so hakruuk deit ba Lei-Inan no lei-oan sira seluk”.

Criminaliza abortu lalos atu reduce numeru abortu maibe aumenta numeru abortu la seguru nebe’e aumenta mortalidade.

Atu hetan informasaun klean favor kontaktu:

Luis de Oliveira Sampaio

Diretur ezeutivu JSMP

Diresaun E mail: luis@jsmp.minihub.org

Landline: 3323883